

*Mayer &
Council Member*

JEMEN EI EO AN JABAT ISLAND
LOCAL GOVERNMENT

PART I. - PRELIMINARY (NON KAROK LOAN JEMEN EI IN)

SECTION 1. Etan Local Government eo.

Et eo etan local government eo ej Jabat Island Local Government.

SECTION 2. Belakin Local Government Eo.

Belakin edro im maron eo an local government in ej aolepen Jabat Island im ekkar non article IX, Section 1(2) im (3) ilo Jemen Ei eo an Marshall Islands, ej aitok non meto eo im berber in meto eo ej jebote non juon kotan eo 5 mile jen iman baal eo ej jebote Jabat Island, einwot an alikar ilo Schedule 1.

SECTION 3. Capitol Eo.

Office eo elap an local government in enaj bed ilo Jabat Island, ak ilo bar juon jikin ak melan ilo Local Government in einwot an Council eo karoke im kean kin resolution.

PART II. - RAAN KOMON KIEN EO

SECTION 4. Ejak an Raan Komon Kien eo.

Juon raan komon kien, eo naj jela kake enwot Jabat Island Council, ej ejak non local government in, im ekkar non Section 13(1) ilo Local Government Act eo an 1980, maron in komon Ordinance, Ewoj im maron in kojemoj ko an local government in iumin article IX, Section 2 ilo Jemen Ei eo an Marshall Islands, eber ibben raan komon kien in.

SECTION 5. Uan Council im Ekelel ko.

- (1) Council eo enaj ejak kin 12 member ro, rej -
 - (a) 10 member at-large kelet ir jen Jabat Island; im
 - (b) 1 Iroj member ijijon in bwijin Iroj ilo Jabat Island; im
 - (c) Nri kwelok eo an Jabat non Nitijela eo.

(2) At-large member ro walok ilo Subsection 1(a) naj kelet ir kin ballot jen adri vote ro, einwot an alikar ilo Section 13 im 23 ilo Local Government Act 1980.

(3) Ekelel eo maktata non at-large member ro walok ilo Subsection 1(a) naj komon ilo juon ien eo ekkar im ejejit elkin an jejit kitien Jemen Ei in, karok jen Chief Electoral Officer eo.

SECTION 6. Qualification Ko.

Qualification ko non jibarok non at-large member ro walok ilo Section 5(1)(a)

- (a) 18 years im drittolok; im
- (b) juon citizen in Marshall Islands; im
- (c) jokwe ion Jabat Island juon yio mokta jen ien ekelel; im
- (d) wor an maron ion bwirej ion Jabat Island; im
- (e) ejelok utamwe in komalij ibben; im
- (f) ejelok ruon ilo kien ilo ien jibarok; im
- (g) juon register voter in Jabat.

SECTION 7. Term in Jerbal.

(1) Term in jermal non at-large member ro walok ilo Section 5(1)(a) ej 4 yio, ijowtoke, term ko renaj ukotak bwe ilo aolep lokin 2 yio enaj wor ekelel non 5 ian jea ko. Ilo ekelel eo maktata iumin Jemen Ei in, member ro 5 enaj etal non ir vote ko relon-tata renaj jermal iumin 4 yio. Member ro 5 jet naj jermal 2 yio. Tokelik ekelel non aolepen jea kein naj komon lokin aolep 4 yio.

SECTION 8. Jea Ko Ejelok Kobbair non un ko jet.

(1) Elane jea eo an juon member in council einwot an alikar ilo Section 5(1) enaj ejelok kobbair ijelokin wot ne ejelok term eo an ekkar non Section 7, naj kane jea in ejelok kobbair ilo ien eo emokaj im alikar kin juon special election.

SECTION 9. Kwelok ko.

(1) Kwelok ko an council eo naj komon elet tata juon alen ilo juon allin, ilo ien ko im ran ko Council eo ej karoki, kin resolution, ilo default (elane ebar ejelok jabrewot karok ko jet) jen Mayor eo, ak kin kojela ekkar non rule im wewin jermal ko

an council.

(2) Chief Electoral Officer eo, ilo ien eo emokaj im alikar, elkin kwalok tobrak ekelel eo elap kein kajuon an Council, kin kojela non aolep ro iuan Council, kir juon ien kwelok an Council.

(3) Mayor eo ilo jabrewot ien emaron, im naj ilo juon ien eo embaj im alikar elkin an tobrak lok juon petition an ro elon uaier ilo Council eo im kalikar ta unin kwelok eo, kir non juon ien an Council kwelok, ilo kojela ekkar non rule in jermal ko an Council.

(4) Juon special kwelok eo naj komon kin wot un ko rej walok ilo kojela eo ej kalikar ke ewor kwelok.

(5) Meeting ko an Council renaj belloko non jabrewot armij.

(6) Quorum non kwelok ko an Council ej elane elle jen jimettan in aolep ro iuan Council rebed.

(7) Mayor eo enaj tol aolep kwelok ko an Council elane eber im, ilo lor wot Section 17, im rule in jermal ko an Council, ilo ien an jako ak ilo ien eo ejelok kobban office eo an, juon dri kwelok kelet in aolep ro rej council member enaj tel kwelok.

(8) Ijelokin wot an walok ilo Local Government Act 1980, aolep bebe im kajitok ko iman council ilo ien an kwelok rej biki im koweppeni ekkar non jonan lon in vote an ro rej bed im vote ak ejelok bebe enaj ella elane enaj tie vote ko.

SECTION 10. Wewin Kwelok Ko.

(1) Council eo enaj je im kejbarok juon journal kin kobban kwelok ko an.

(2) Council eo enaj ejak rule in kwelok im jermal ko, ren jab idrabortok ibben Jemen Ei in, jabrewot kien ko an Central Government eo im jabrewot Ordinance ko an Jabat Council, non karoke wewin an Council eo komoni im lolorjake jermal im kwelok ko an.

(3) Ilo lor wot Jeman Ei in, jabrewot kien ko an Central Government eo im jabrewot Ordinance ko an Local Government in Council eo emaron karoke wewin an make jermal.

SECTION 11. Committee Ko.

Council eo emaron ejak Standing Committee ko im bar committee ko jet non jerbale jabrewot jermal eo, ilo tomak eo an Council eo, rekkar im rejejit bwe committee kein rej jembali.

PART III. - JEBAN LOCAL GOVERNMENT EO

SECTION 12. Office eo an Jeban Local Government Eo.

Juon office an jeban eo an Jabat Local Government, eo im naj kile im jela kake ke ej Mayor eo, ej kio ejak non Local Government in.

SECTION 13. Qualification ko an Mayor.

Qualification ko an Mayor rej erkein:

- 1) en 25 an yio ak drittolok; im
- 2) juon citizen in Marshall Islands; im
- 3) jokwe ion Jabat Island juon yio mokta jen ien ekelel; im
- 4) wor an maron ion bwirej ion Jabat Island; im
- 5) ejelok utamwe in komalij ibben; im
- 6) ejelok ruon ilo kien ilo ien jibarok; im
- 7) juon register voter in Jabat.

SECTION 14. Kelet Mayor Eo.

- 1) Mayor eo enaj kelete in aolep armij ro rej maron in vote ion Jabat Island.
- 2) Ekelel eo maktata non kelet Mayor eo enaj komon ilo ien eo, ekelel eo maktata non kelet council member ro ej komon einwot emoj karoke ilo Section 5(3) im ekelel ko tok elik renaj komon ilo juon ien eo ebak tata non ien an un emen (4) yio jen ien eo ear komon ekelel eo maktalok non Mayor im Council member.
- 3) Term in jermal eo an Mayor e! emen (4) yio im enaj ijinto ilo ien eo emoj

kelete im jemlok ilo ien) emoj kir juon ekelel non keles juon Mayor.

SECTION 15. Jolok Kobban Office.

1) Office eo an Mayor eo enaj ejelok kobban elane -

- a) term in jermal eo an emoj an bojrak ekkar non Section 14(3); ak
- b) emoj an jako jen e qualification ko rej aikwij kar bed ibben ekkar non Section 13; ak
- c) emij; ak
- d) ej kamoje e make ilo jeje non local government eo; ak
- e) Council ej kamoje kin vote ko an 2/3 in aolep member ro iuan Council.

2) Elane office eo an Mayor enaj ejelok kobban kin un ko jet ijelokin an jemlok term in jermal eo an ekkar non Section 15(3), naj bar kanne jea eo ilo ien eo emokaj kin juon special election.

SECTION 16. Dri Binej Jenkwan Jeban Local Government Eo.

1) Ilo ien an jako ak utamwe Mayor eo, enaj jiton juon ian ro iuan Executive Committee eo bwe en bok edro in jermal ko an, ak elane ejab jiton juon, executive committee eo enaj jiton juon.

2) Juon member in Executive Committee eo emoj jitone ekkar non Subsection (1), bwe en bok edro im lolorjake jermal ko an Mayor, enaj belik et in Mayor, im jabrewot melele ko ilo jabrewot kien ak Rule of Procedure ko an Council rej iokwelok Mayor naj kile ke rejelet member in ekkar non wewin in.

SECTION 17. Jermal ko an Jeban Local Government

Aolep maron ko jermal ko im edro ko jebar jen Jemen Ei in, ordinance an local government in, kien an Central Government eo im Rules of Procedure ko an Council, naj kio ilok non Mayor eo.

PART IV. - RAAN LOLORJAKE KIEN EO (EXECUTIVE EO)

SECTION 18. Ejak in Ra eo ej Lolorjake Kien.

(1) Iuan Executive Committee an Jabat Local Government ej kio ej, im enaj ekkar

non Section 14(1) ilo Local Government Act 1980, ra eo eu ajtata non lolorjake kien ilo Local Government in.

(2) Executive Committee in, ilo koba in aolepen ej luak non Council eo kin makitkit ko an ran lolorjake kien in ilo belakin im maron eo an, im kin jerbal ko an Executive Committee eo, iumin ordinance ko an local government eo im jabrewot kien an Central Government eo.

SECTION 19. Ejak in Executive Committee Eo.

(1) Executive Committee eo enaj ejak kin:

(a) Mayor eo; im

(b) Iroi member eo walok ilo Section 5(1)(b); im

(c) Nitijela member eo walok ilo Section 5(1)(c); im

(d) 2 member in Council eo ijiton in Mayor eo im weppen jen Council eo.

(2) Quorum eo non kwelok an Executive Committee eo ej jilu.

SECTION 20. Jolok Kobban Office.

(1) Office eo an Mayor eo enaj ejelok kobban ilo lor Section 16.

(2) Office eo an juon executive member enaj ejelok kobban elane -

(a) Ejako jea eo an ilo Council ekkar non Section 8; ak

(b) Ejako office eo an Mayor eo iumin Section 16; ak

(c) Kamoje jen jerbal iumin Subsection 3; ak

(d) ej kamoje make ilo kojela kin jeje non Mayor eo.

(3) Mayor eo emaron kin wor ak ejelok un, kamoj Executive Member ro walok ilo Section 19(1)(d) jen jerbal.

(4) Elane enaj ejelok kobban jea eo an Mayor eo ijelokin wot ne kamoje iumin Section 15(2), executive member ro renaj wonmanlok wot im komani jerbal ko air (ekkar non jerbal in jiton eo iumin Section 16, an juon ian ro iuan Executive Committee eo non lolorjake jerbal ko an Mayor eo).

(5) Elane enaj jemlok jerbal eo an juon ian Executive Member kin wot an jemlok term in jerbal eo an einwot juon council member iumin Section 7, enaj

wonmanlok wot im komani jerbal ko an executive member mae ien emoj bar kelet juon Mayor, ak elane ejab bar erum juon member in council eo, ejab maron in vote ak bok kunan ilo kwelok ko an Council.

SECTION 21. Ijton in Binej Jenkwan (Acting appointments.)

Ilo ien eo ejako ak eutame juon ian executive committee eo, Mayor eo emaron -

(a) Bar jiton juon executive member bwe en lolorjake jet ak aolepen jerbal ko an;

(b) Jiton juon ian council member ro bwe en iuan executive committee eo, ak aolepen men kein ilo ien jako ak utamwe.

SECTION 22. Ajeji jerbal im edro non ro iuan executive committee eo.

(1) Ekkar non Jemen Ei in, jabrewot ordinance an Jabat Council im kien ko an Central Government, Mayor eo emaron jen ien non ien, lelok ak ajeje lok non iuan executive committee eo edro ko im jerbal ko iloan maron eo an executive committee eo ekoba edro in lolorjake ordinance ko an local government in.

(2) Mayor eo enaj bok edroin jabrewot jerbal im edro ko im, ilo ien eo rej jab walok iumin Subsection (1).

(3) Ejelok jabrewot ilo Section in enaj jelet jerbal im edro ko an aolepen executive committee eo iumin Section 18(2).

SECTION 23. Jerbal ko an Executive Committee eo.

Executive Committee eo ewor an maron, jerbal ko, makitkit im edro lelok ak komarone iumin Jemen Ei in, juon ordinance an local government in, ak juon kien an Central Government eo.

SECTION 24. Kabilok non Council eo (ikijen wewin ko jet).

(1) Mayor eo enaj ilo ien eo emokaj kojelaik lok Council eo im Minister eo an kien eo an Marshall Islands im ej bok edro in local government ko kin -

(a) Ijton, jolok jen jea ak kamoje an juon iuan Executive Committee eo; ak

(b) Ijton eo an, ak jemlokin ijton eo an juon member in council non iuan executive committee eo iumin Section 21(b); ak

(c) Ijiton e jen e make non juon iuan Executive Committee eo bwe en bok jermal ko an Mayor iumin Section 16(1); ak

(d) Ajej eo iumin Section 22(1) kin edro ko an executive member ro im ijiton eo iumin Section 21(a) an juon executive member bwe en bok jermal in edro ko an bar juon executive member.

(2) Executive Committee eo enaj ilo ien eo emokaj, kojelaik lok council eo im Minister eo an Kien eo an Marshall Islands ej bok edroin local government ko, kin ijiton eo an non juon ian ro iuan non an bok jermal im edro ko an Mayor eo iumin Section 16(1).

(3) Clerk eo an local government in enaj ilo ien eo emokaj, kojelaik lok council eo im Minister eo an Kien eo an Marshall Islands ej bok edroin local government ko, kin an Mayor eo naj kamoje jen jermal iumin Section 15(1)(c), ak kin naj jolok Mayor eo jen jermal iumin Section 15(2).

PART V. -- FINANCE

SECTION 25. Revenue im jeen ko kojembali.

(1) Ejelok ewoj naj drore im ejelok revenue naj teltel, im ejelok jeen an local government naj kojembali, elane ejab melim kin kakien.

(2) Subsection 1 ej jab jermal non grant ko (ijelokin wot loan ko) jen kien eo an Marshall Islands, ak bar non kojembali jeen ko jen grant kein non un ko, im bed iumin karok ko im rej jermal kaki.

(3) Aolep jeen ko bok non local government in naj, ijelokin wot ne komalimi kin ordinance an Local Government ak iumin juon local government financial memoranda komon iumin Section 41(2) ilo Local Government Act eo an 1980, kollaik lok non juon fund ak account ejak ekkar non juon ordinance ak financial memoranda eo.

SECTION 26. Edroin jeen im executive committee eo.

(1) Ej edro eo an Executive Committee eo non jake manlok bebe ko non council eo ikijen jabrewot jermal ko rejelet budget, im jermal eo elap tata an executive committee eo enaj komon recommendation ko non council eo non komon ewoj in jermal

in jeen ko jet, im non wewin kojerbal money non local government in.

(2) Executive Committee eo ej iuak non council eo ikijen aolep jermal in money an local government eo im non kemeleleik aolep jemlok in money kein ekkar non kojemoj eo an council eo ak maron ko jet ekkar non Jemen Ei in, juon ordinance an local government in ak juon kien an Central Government eo.

(3) Ijelokin wot ne jen kabilok ak kin erra eo an Executive Committee eo, kamot jen ak ilo etan Mayor eo, council eo ej jab maron komalim jabrewot ordinance ak jabrewot jermal ko jet jakemantak jen ro jet iuan council eo ijelokin wot Mayor eo ak juon executive committee eo elane ordinance eo enaj, ilo lomnak eo an ro iuan Council rej kwelok -

- (a) Kojerbal ak muri ikijen money ko an Local Government eo; ak
- (b) Kojabikbiki ak ukote (ijelokin wot ne ikijen kadrikdiklok jermal in jeen ak muri; ak
- (c) Kojerbal, ukote ak jolok jabrewot ewoj, rate, muri, wonen ak fine.

SECTION 27. Budget im Kojemoj.

(1) Executive Committee eo enaj lolorjake bwe en jadremantak iman Council eo ilo aolep financial yio -

- (a) Juon lajtrak in budget estimates ikijen money im wewin kojerbali; im
- (b) Juon ordinance in kojemoj non lajraki wewin an naj jermal money ko an Council, im maron in bar komon kakobaba ko im ordinance ko rejelet money in kakobaba.

(2) Ilo lor jabrewot local government administrative memoranda komon iumin Section 41(1)(a) ilo Local Government Act eo an 1980 ikijen wewin komon ordinance ko im non jabrewot local government financial memoranda komon iumin Section 41(2) ilo ejja kien in wot, ordinance in kojemoj ko im ordinance in kakobaba ko ikijen money renaj lor wewin Bill ko ikijen kojemoj im kakobaba ikijen kojemoj an kien eo iolap iumin Article VIII, Section 6 im 8 ilo Jemen Ei eo an Marshall Islands.

(3) Ilo lor jabrewot Local Government Financial Memoranda komon iumin Section

41(2) ilo Local Government Act eo an 1980, juon ordinance an local government in emaron komon loan ko, ilo lor bedbed ko ilo Article VIII, Section 7 im 9 ilo Jemen Ei eo an Marshall Islands, non jeral in jeen ko rej itok wot ekoba re-programming im juon contingencies fund.

(4) Ejelok jabrewot ilo Section in enaj kabojrak kojemoj ko im rej lukkun kwalok un eo bwe en mottan ordinance ko an local government in, ijelokin wot ordinance in kojemoj im ordinance in kakobaba.

(5) Kojemoj ko naj jako kitier ilo jemlokin aolep financial year eo im ejelete, ijelokin wot ne, ilo wot title eo an ordinance in kojemoj eo enaj bar kin juon ordinance in kalikar bwe in kojemoj eo.

SECTION 28. Loan Ko.

Local Government in ejamin ebbok loan ko, kotlok muri ikijen revenue ko an tokelik, ak komon jabrewot kain muri enaj jelet money ko air tokelik ijelokin wot ne ejab lor Section 50 ilo Local Government Act eo an 1980.

SECTION 29. Account Ko.

(1) Executive Committee eo enaj lolorjake bwe en wor account ko ebolemain im jejet im record in revenue ko im expenditure ko an local government, men ko mweien local government in.

(2) Account im record kein renaj lor

(a) Jabrewot Local Government Financial Memoranda ejak iumin Section 41(2) ilo Local Government Act eo an 1980; im

(b) Ekkar non memoranda kein, jabrewot kabilok jen auditor general eo; im

(c) Ekkar non memoranda kein, jabrewot ordinance an local government in.

(3) Executive Committee eo enaj ilo ien eo ejejet im mokajtata ilo jemlokin juon financial yio, dror iman council eo account ko ikijen jabrewot jeen im wewin air jeral an local government in non yio eo, koba ibben jabrewot report ko ikijen bwinbwin account ko iumin Section 32.

SECTION 30. Audit (Bwinwin)

(1) Ilo koba lok ibben bwinwin eo walok iumin Section 35 ilo Local Government Act eo an 1980, Auditor General eo ak juon eo emoj an komalimi enaj ilo jabrewot ien bwine account im record ko an local government in, im jabrewot account ko naj drori ak lomnak im drori iman Council iumin Section 30(3).

(2) Auditor General eo ak juon eo ej komalimi enaj report lok non Council eo im Minister eo an Kien eo an Marshall Islands ej bok edro in Local Government ko kin bwinwin eo im enaj, ilo report eo an kwaloki aolep jibikbik im likjab ko ilon account im record kefn, ak ilo account ko ekkar non ijo ejelete.

(3) Non komoni jermal ko an bwinwin iumin Subsection 1, Auditor General eo ak juon eo ej jitone ewor an maron im jimwe walok ilo Article VIII, Section 15 in Jemen Ei eo an Marshall Islands.

SECTION 31. Financial Memoranda.

Ekkar non Jemen Ei in, jabrewot armij eo ej bok kunan ilo lolorjake makitkit in money ilo local government in renaj lor aolep local government financial memoranda walo iumin Section 41(2) ilo Local Government Act eo an 1980.

PART VI. - STAFF (DRI JERBAL)

SECTION 32. Dri Jerbal.

(1) Mayor eo, ilo etan local government in, emaron jiton juon clerk non local government in, im bar officer im dri jermal ro jet einwot ak watok ke menin aikwij non komanman jermal ko an local government in.

(2) Local Government in ej e eo ej kojermal clerk in im officer im dri jermal ro jet an kien in.

(3) Term im wewin ijiton im jermal an clerk eo im officer eo im dri jermal ro jet naj komon kin ak iumin maron an ordiannce an local government in, em elane enaj ejelok ordinance, naj oktak ko rekkar, lori wewin an ro ilo public service eo im rej bok jermal ko, non jabrewot unin jermal ilo jabrewot kien an Central Government eo non

(a) Chief Secretary eo ak juon department head non ikijen clerk eo; im

(b) Public Service Commission naj ikijen executive committee.

SECTION 33. Seconded, etc. public servants.

Ekkar non jabrewot karok ko iumin Section 16(3) ilo Local Government Act eo an 1980, im non jabrewot un ko reaktak jen jabrewot ordinance an local government in, juon member in Public Service eo im naj kojerbale ilo local government ekkar non Section in, ak lellok jiban ko an non local government in ekkar non Section eo, naj kotomane bwe ej juon officer an local government in non un ko an jabrewot ordinance an local government in ijelokin wot juon ordinance eo ej kalikar term im wewin ebbok dri jermal ilo local government.

PART VII. - OKTAK KO

SECTION 34. Hewin komon oktak.

(1) Jemen Ei in emaron oktak kin juon ordinance an local government in weppen ilo ruo ien kwelok ko jen 2/3 in aolep ro iuan Council eo, ijowotke -

(a) Enjab ietlok jen 30 ran, ak ilo ien ko rekadru lok, im non un ko jet, jen Minister eo an Kien eo an Marshall Islands ej lolorjake local government ko, ej ella ikotan kwelok kein; im

(b) Mokta jen kwelok eo kein karuo Mayor eo emoj an kajitok lok ibben Minister eo im jakemanlok non council eo juon report jen Attorney-General eo ikijen ne ekkar bwe kakobaba in en komon.

(2) Elane Minister eo an Kien eo an Marshall Islands ikijen local government ej kabilok lok non local government in kin jet oktak non Jemen Ei in, council eo enaj ekatak kaki, ak rej jab aikwij buki, ilo wor ak ejelok oktak.

PART VIII. - JERBAL KO JABREWOT

SECTION 35. Kien eo folap komon kabilok ikijen ordinance ko.

Elane Minister eo an kien eo an Marshall Islands ikijen local government ej rejan

lok non council eo bwe ion ordinance en komon, ukok ak kote loan, Mayor eo enaj lolorjake bwe kobban kabilok in en jere iman council eo koba nan in kabilok ko jen Executive Committee eo.

SECTION 36. Jimwe im ekkar non ordinance ko (etc.)

(1) Mayor eo emaron, im enaj elane council eo enaj karoke, kajitok lok ibben Minister eo an kien eo an Marshall Islands ikijen local government ko, kin juon report jen Attorney General eo kin jimwe im ekkar an juon ordinance ak jabrewot ordinance in bokmantak an local government eo, ak kin jabrewot jermal ak jermal in bebe an local government eo.

(2) Elane Minister eo enaj komone juon report eo einwot kajitok eo ej walok ilo Subsection 1, Mayor eo enaj kwalok report in non council eo.

SECTION 37. Ejelok Kobban Jea Ko.

Ekkar im jejjet an jabrewot menin jermal jen council eo ak Executive Committee eo ak ilo lor jabrewot ordinance an local government eo im rule in jermal ko an council, jabrewot bar committee eban jelet kien elane ewor jea en ejelok kobban ilo committee kein, ilo kajijete bwe en un iuan committee kein non komon kwelok ak en un quorum.

SECTION 38. Jermal

Elane ewor jabrewot kain jermal ak unin jermal lelok non, jakemanlok ak karon local government ilo juon ien eo -

- (a) Ejelok kobban jea eo an Mayor eo ak elane ejako ak eutamwe Mayor eo; im
- (b) Ejelok armij jitone iumin Section 16, naj jilkinlok im address e Clerk eo an local government in.

SECTION 39. Jejit Kitien

Jemen Ei in enaj jejit kitien ilo ien eo Minister eo an Kien eo an Marshall Islands ikijen local government enaj karoke.